

LUTRIJA BOSNE I HERCEGOVINE d.o.o.
NADZORNI ODBOR

Na osnovu člana 22. Zakona o igrama na sreću („Službene novine Federacije BiH“, br.48/15 i 60/15) i člana 22. Statuta Lutrije Bosne i Hercegovine d.o.o. Sarajevo („Službene novine Federacije BiH“, br.95/15), Nadzorni odbor Lutrije Bosne i Hercegovine, na sjednici održanoj dana 18.11.2019. godine, d o n i o j e

P R A V I L A
novčane srećke „BRZIH 200 KM”

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke „BRZIH 200 KM“.

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke „BRZIH 200 KM”.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri, na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka „BRZIH 200 KM” (u daljem tekstu: srećka) je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

Član 4.

Rok prodaje srećke otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora priređivača.

Srećke koje nisu prodane do zaključenja prodaje, odnosno dobitci na ovim srećkama, ne smatraju se neisplaćenim dobitcima.

Odluku o puštanju u prodaju svake od serija donosi direktor priređivača i ista će se objaviti u dnevnim novinama.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je s priređivačem zaključila ugovor iz člana 2. ovih Pravila, uz dokaz da posjeduje srećku.
Srećka glasi na donosioca.

4. PODRUČJE PRIREĐIVANJA U IGRE

Član 6.

Srećka se priređuje na području Federacije Bosne i Hercegovine i Brčko Distrikta BiH.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 1.000.000 (jedan milion) komada srećaka.

Novčana vrijednost emisije srećaka iznosi 1.000.000 KM (jedan miliona konvertibilnih maraka).

Odluku o broju serija donosi direktor priređivača.

7. VISINA FONDA I VRSTE DOBITAKA

Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 100.000 KM.

Fond dobitaka iznosi 65% od ukupne emisije vrijednosti ili 72,22% od ukupne emisije vrijednosti umanjene za iznos naknade iz stava 1. ovog člana.

Novčana vrijednosti fonda dobitaka iznosi 650.000 KM i dijeli se na 219.510 dobitaka.

Fond dobitaka serije se raspoređuje po slijedećem planu:

Vrsta dobitka	Vrijednost dobitka	Ukupan broj dobitnih srećki	Iznos koji se izdvaja iz fonda dobitaka	Vjerovatnoća 1 : ...
20 KM x 10	200 KM	200	40.000 KM	5.000,00
(40 KM x 3) + 20 KM + (10 KM x 5) + (5 KM x 2xMULTIPLIKATOR)	200 KM	200	40.000 KM	5.000,00
200 KM	200 KM	110	22.000 KM	9.090,91
1 KM x 10	10 KM	8.000	80.000 KM	125,00
2 KM x 5	10 KM	3.000	30.000 KM	333,33
5 KM x 2xMULTIPLIKATOR	10 KM	3.000	30.000 KM	333,33
10 KM	10 KM	1.000	10.000 KM	1.000,00
1 KM x 5	5 KM	10.000	50.000 KM	100,00
1 KM + (2 KM x 2)	5 KM	10.000	50.000 KM	100,00
1 KM + (2 KM x 2xMULTIPLIKATOR)	5 KM	5.000	25.000 KM	200,00
5 KM	5 KM	5.000	25.000 KM	200,00
1 KM x 2xMULTIPLIKATOR	2 KM	32.000	64.000 KM	31,25
1 KM x 2	2 KM	32.000	64.000 KM	31,25
2 KM	2 KM	10.000	20.000 KM	100,00
1 KM	1 KM	100.000	100.000 KM	10,00
UKUPNO:		219.510	650.000 KM	4,56



Prosječna vjerovatnoća za ostvarivanje dobitaka iznosi 1 : 4,56.

8. OPIS SREĆKE



Član 10.

Srećka je kockastog oblika i štampa se u više različitih vizuala.

Prednja strana srećke sadrži:

- Logo Lutrije Bosne i Hercegovine;
- Cijena srećke;
- PREKO 500 GLAVNIH DOBITAKA;
- Naziv srećke: „BRZIH 200 KM“;
- SUPER PRILIKA ZA DOBITAK OD 200 KM;
- 2 (dva) reda sa po 5 (pet) simbola za grebanje i ispisom DOBITAK;
- Pronađi simbol  i ostvari pripadajući dobitak;
- Pronađi simbol  i pripadajući dobitak pomnoži sa 2;
- Pakovni broj srećke;



Poleđina srećke sadrži:

- Logo „Srećke na dohvat ruke“;
- EAN bar kod;
- Logo “IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;
- NOVČANI DOBITAK: Ukoliko se nakon skidanja emulzije sa polja za grebanje, otkrije simbol  ostvaruje se dobitak koji je ispisan ispod tog simbola. Ukoliko se otkrije simbol  pripadajući dobitak se množi sa 2;
- Ukupan dobitak je zbir svih ostvarenih dobitaka;
- Emisija 1.000.000 srećaka;
- Emisiona vrijednost 1.000.000 KM;
- Fond dobitaka: 650.000 KM;
- Datum prodaje do otisnut na srećki;
- Priređivač: Lutrija BiH d.o.o. Sarajevo, Ul. Mehmeda Spahe 11, 71000 Sarajevo;
- PLAN DOBITAKA;
- Sigurnosni kod proizvođača;
- Podaci o dobitniku, za oporezive dobitke: Ime i prezime, JMBG, Adresa;
- Polje sa uplatnom šifrom u brojčanoj i bar kod formi;
- Pakovni broj srećke.

9. UTVRĐIVANJE DOBITAKA

Član 11.

Učesnik u igri utvrđuje dobitak skidanjem kolor emulzije sa polja za grebanje.

Ukoliko se nakon skidanja emulzije sa polja za grebanje, otkrije simbol  ostvaruje se dobitak koji je ispisan ispod tog simbola. Ukoliko se otkrije simbol  pripadajući dobitak se množi sa 2.

Ukupan dobitak je zbir svih ostvarenih dobitaka.

Učesnik u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobitci prodatih srećaka, koji nisu isplaćeni do propisanog roka, smatraju se neisplaćenim dobitcima.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod polja za igru na prednjoj strani srećke se nalazi šifra. Priređivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila se nalaze na svim prodajnim mjestima priređivača. Osobama zainteresiranim za sudjelovanje u igri priređivač je dužan omogućiti upoznavanje sa ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-41-3169-3/19.
Dana: 18.11.2019. godine

P R E D S J E D N I K

Miroslav Ćorić, s.r.